



A muller de Rique Roque
non ten falda na camisa,
se llo sabe Rique Roque
se llo sabe Rique Roque
como reventa ca risa.

Ai la la lará...

I 199a

Unha noite no muíño
unha noite non é nada,
unha semaniña enteira,
esa si que é muiñada.

I 209a

Miña nai non quere
que eu vaia ó muíño
porque o muiñeiro
rebrinca comigo
rebrinca, rebrinca
volve a rebrincar
unha saia nova
me quixo raxar.

A miña burriña
cuando vai ó muíño
vai, toda enfariñada
cheiña de frío
cheiña de frío
e máis de xeada,
ai, a miña burriña
sempre vai cargada.

Anque vou pró fiandeiro
non vou por fiar na roca,
voou por tocalo pandeiro
que esta noite a min me toca.

Esta noite hei de ir a verte,
nena, non me teñas medo
déixame a porta atrancada
con una palla de centeo.

A miña burriña
cuando vai ó muíño
Vai, toda enfariñada
cheiña de frío
cheiña de frío
e máis de xeada,
ai, a miña burriña
sempre vai cargada.